

---

## **SIARAN AKHBAR**

*(Embargo sehingga 6:30 petang, Jumaat 7 Julai 2023)*

### **CGC IKTIRAF RAKAN KONGSI KEWANGAN DAN PELANGGAN PKS DI ANUGERAH FI/DFI & PKS 2022 YANG KE-28**

**KUALA LUMPUR, 7 Julai 2023** – Credit Guarantee Corporation Malaysia Berhad (CGC) telah mengadakan majlis Anugerah FI/DFI & PKS 2022 yang ke-28 di Grand Hyatt Kuala Lumpur. Majlis anugerah yang telah dirasmikan oleh Yang Berhormat Senator Tengku Datuk Seri Utama Zafrul bin Tengku Abdul Aziz, Menteri Pelaburan, Perdagangan, dan Industri (MITI), turut dihadiri oleh para Pengurus dan Ketua Pegawai Eksekutif Institusi Kewangan, Institusi Kewangan Pembangunan, Institusi Bukan Kewangan, pemenang daripada Perusahaan Kecil, dan Sederhana (PKS) serta para perwakilan dewan perdagangan, agensi-agensi yang berkaitan dan media.

Dalam majlis anugerah tahunan ini, CGC mengiktiraf PKS yang mempunyai rekod cemerlang dan memenuhi tanggungjawab kewangan serta pencapaian dalam membangunkan perniagaan mereka. Majlis anugerah ini juga merupakan platform bagi CGC untuk menghargai rakan Institusi Kewangan, Institusi Kewangan Pembangunan, dan Institusi Bukan Kewangan di atas komitmen dan sokongan mereka dalam menawarkan PKS akses yang lebih baik kepada pembiayaan serta membantu pemulihan dengan memperkuatkukuhkan daya ketahanan perniagaan mereka.

Tengku Zafrul telah menyampaikan anugerah bagi 13 kategori yang merangkumi 7 untuk rakan Institusi Kewangan dan Institusi Kewangan Pembangunan, satu bagi Institusi Bukan Kewangan, dan 5 kategori bagi PKS, dengan jumlah penerima anugerah seramai 27 orang. Turut bersama dalam majlis ini adalah Pengurus CGC, Dato' Mohammed Hussein, Ahli Lembaga Pengarah, Dato' Ong Eng Bin dan Presiden & Ketua Pegawai Eksekutif CGC, Datuk Mohd Zamree Mohd Ishak.



Pengerusi CGC, Dato' Mohammed Hussein dalam ucapan alu-aluan beliau berkata, "Selepas tempoh 2 tahun yang mencabar dengan aliran tunai yang sangat terhad, tanggapan bahawa sektor perniagaan boleh dihidupkan kembali dengan serta-merta setelah terhenti selama dua tahun adalah naif. Bagi sesetengah PKS, perniagaan mereka terpaksa ditutup selama-lamanya.

Walaupun kebanyakan institusi perbankan telah menyemak proses dan dasar kredit mereka untuk menangani isu yang timbul akibat pandemik, perlu diakui bahawa ramai PKS masih lagi menghadapi masalah. Untuk PKS yang masih berdaya maju, kita perlu menyoal sama ada apa yang kita laksanakan mampu membantu memulihkan perniagaan mereka dan menolong mereka meneroka peluang perniagaan yang baharu. Bagaimanakah kita boleh menambahbaik bantuan untuk membangunkan dan mempercepatkan pemulihan dan peluang untuk PKS menerokai peluang perniagaan baharu, terutamanya perniagaan gig."

Dato' Mohammed Hussein juga menyatakan bahawa ini adalah tanggungjawab bersama pihak kerajaan dan institusi kewangan dalam memudahkan sektor PKS dengan memberikan respons yang efisien kerana sektor ini merupakan penyumbang besar kepada ekonomi negara iaitu sebanyak 97% daripada jumlah perniagaan dan 47% daripada peluang pekerjaan. Beliau turut menekankan bahawa kegagalan PKS untuk membangun akan memberi impak kepada banyak perniagaan dalam rantai bekalan ekonomi, pekerjaan dan peluang pekerjaan. "Kita harus menerima ini sebagai sebahagian daripada ESG, yang bukan sahaja menyentuh mengenai kawalan iklim dan alam sekitar, tetapi juga komponen 'S' dan 'G' di dalam 'ESG' iaitu sosial dan tadbir urus. Dalam konteks semasa, ia adalah mengenai kemampanan dan kesejahteraan kewangan," tambah beliau lagi. Perkara ini turut ditekankan oleh Datuk Mohd Zamree dalam sidang akhbarnya. Beliau memberitahu bahawa ESG adalah amat penting untuk kemampanan PKS. Di CGC, pelbagai inisiatif telah dan akan terus dilaksanakan untuk mewujudkan kesedaran tentang ESG serta menyokong PKS dalam perjalanan ESG mereka melalui Skim Jaminan dan CGC Developmental Programme®.



Semasa menyampaikan ucaptama, Tengku Zafrul berkata, "Sokongan CGC dan sektor kewangan adalah penting untuk memastikan kejayaan Penggubalan Pelan Induk Perindustrian Baharu (NIMP) 2030, bagi membantu negara memperbaharui industri pembuatan, yang seterusnya, akan turut mengubah pelaburan dan sektor eksport bagi pertumbuhan sosio-ekonomi negara kita yang lebih mampan. Secara khusus, PKS dalam sektor pembuatan dan eksport utama mesti disokong dari segi kewangan untuk membangunkan rantai bekalan yang berdaya tahan; mengukuhkan kelompok industri; dan menghasilkan pertumbuhan yang meluas dalam usaha kita untuk menjaga keselamatan ekonomi dan inklusiviti masa depan Malaysia."

CGC telah mengiktiraf Maybank Islamic sebagai Rakan Kewangan Terbaik, Rakan FI Bumiputera Terbaik, dan Rakan FI Terbaik – Perbankan Islam, manakala Malayan Banking Berhad di iktiraf sebagai Rakan FI Terbaik - Perbankan Komersial untuk tahun 2022. Presiden dan Ketua Pegawai Eksekutif Kumpulan Maybank, Dato' Khairussaleh Ramli kongsi mengenai pencapaian Maybank, beliau berkata, "Presiden & Ketua Pegawai Eksekutif Kumpulan Maybank, Dato' Khairussaleh Ramli berkata, "Maybank berbesar hati untuk sekali lagi diiktiraf atas pencapaiannya di bawah pelbagai kategori di Anugerah FI/DFI & PKS 2022 yang ke-28. Ini menunjukkan komitmen kami yang tidak berbelah bahagi dalam menyokong pertumbuhan ekonomi negara terutamanya melalui usaha Maybank untuk memartabatkan segmen PKS. Peranan kami dalam meningkatkan cadangan nilai perbankan Islam juga telah menjadi faktor pembezaan utama bagi Maybank, malah mengukuhkan lagi kedudukan sebagai institusi kewangan terkemuka di rantau ini."

"Melalui rangkaian lengkap penyelesaian Maybank, kami amat berbesar hati untuk melihat perniagaan pesat berkembang melalui penyediaan akses kepada pembiayaan dan sehingga kepada memperkasakan pelanggan kami dengan penyelesaian digital yang inovatif. Perbankan kami akan terus menyokong perjalanan pelanggan selaras dengan matlamat kami untuk Menginsankan Perkhidmatan Kewangan sambil memperjuangkan amalan perniagaan yang mampan," tambah Dato' Khairussaleh."

CGC akan terus berusaha untuk menyediakan bantuan kewangan kepada PKS yang memerlukan. Objektif utama kami adalah untuk memainkan peranan penting dalam



mempromosikan pertumbuhan ekonomi dan pembangunan, peluang pekerjaan, dan pengurangan kadar kemiskinan negara.

-TAMAT-



## Mengenai CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. Setakat Julai 2023, CGC telah memanfaatkan lebih daripada 525,733 jaminan dan pembiayaan kepada PKS bernilai lebih dari RM93.3 bilion sejak penubuhannya.

Pada Februari 2018, CGC memperkenalkan imSME, sebuah platform rujukan pembiayaan/pinjaman PKS atas talian yang pertama di Malaysia. imSME berfungsi sebagai saluran alternatif bagi PKS untuk mendapatkan produk pembiayaan, menjimatkan masa dan kerumitan melalui proses yang memakan masa. Sejak penubuhannya hingga akhir Jun 2022, portal imSME telah menerima lebih 2.48 juta kunjungan dengan lebih 72,683 PKS berdaftar.

---

Untuk maklumat lanjut, sila layari [www.cgc.com.my](http://www.cgc.com.my) dan [www.imsme.com.my](http://www.imsme.com.my).

## Untuk Pertanyaan Media, sila hubungi Jabatan Komunikasi Korporat kami:

Mohana Arumugam

Ketua Jabatan, Komunikasi Korporat

[mohana.arumugam@cgc.com.my](mailto:mohana.arumugam@cgc.com.my)

Nik Nur'Alin Amirah

Ketua, Perhubungan Awam & Media

[niknuralinamirah.nmz@cgc.com.my](mailto:niknuralinamirah.nmz@cgc.com.my)

